

同文
原版
淵鑑類函

盛秋署檢

淵鑑類函卷一百四十八

政衛部二十七 刑法

刑法一

原爾雅曰律法也又律法銓也易坎卦主法律銓衡輕重也

說文曰科程也程品也十發為程十程為寸又曰刑者刀

守井也飲之人入井陷於川刀守之割其情也閔言為詈刀守詈為罰罰之為言內也陷於害也井缺人則人

自陷於川故加刀謂之刑欲人畏懼以全命也罰以刀守則不動矣今作罰用寸寸丈尺也言納以繩墨之事

噬卦象曰雷電噬嗑先王以明罰勅法又豐卦象曰雷電皆至君子以折獄致刑尚書舜典曰帝曰皋陶

蠻夷猾夏寇賊姦汝汝作士五刑有服五服三就五流有宅五宅三居惟明克允又大禹謨曰帝曰皋陶惟

茲臣庶罔或干予正汝作士明于五刑以弼五教期于予治刑期于無刑民協于中時乃功懋哉皋陶曰帝德

罔愆臨下以簡御衆以寬罰弗及嗣賞延于世宥過無大刑故無小罪疑惟輕功疑惟重與其殺不辜寧失不

經好生之德洽于民心茲用不犯于有司又臯陶謨曰天討有罪五刑五用哉又呂刑曰度作刑以詰四

方**原**又曰惟敬五刑以成三德五刑者墨罰之屬千剗罰之屬千剗罪之屬五百宮罰之屬三百大辟之屬

二百五刑之屬三千**增**禮曰刑不上大夫又曰八十九十曰耄七年曰悼悼與耄雖有罪不加刑焉又

曰刑者例也刑者成也一成而不可變故君子盡心焉詩小雅序曰菀柳刺幽王也暴虐無親而刑罰不中

也**原**尚書大傳曰古之用刑者畫象而不犯蓋上刑赭衣不純中刑雜履下刑墨幪以居州里而人恥之

增又曰堯舜之王一人刑而天下治何則教誠而愛深也又曰孔子曰古之刑者省之今之刑者繁之古者

有禮然後有刑是以刑省也今也反是無禮而齊之刑是以繁也又曰伯夷降典禮折民以刑謂有禮然後

有刑也周禮曰地官大司徒以鄉八刑糾萬民一曰不孝二曰不睦三曰不嫺四曰不婣五曰不任六曰不

恤七曰造言八曰亂民又曰地官司市掌市刑小刑憲罰中刑徇罰大刑扑罰其附于刑者歸于市國君過

市則刑人赦夫人過市罰一幕世子過市罰一帝命夫過市罰一蓋命婦過市罰一帷**原**又曰周官大司寇

之職以五刑糾萬民四曰野刑上功糾力二曰軍刑上命糾守三曰鄉刑上德糾孝

增左傳曰先君周公作

刑法

政衛部 刑法

誓命曰毀則爲賊掩賊爲藏竊藏爲盜盜器爲姦主藏之名賴姦之用爲大凶德有常刑無赦在九刑不忘
孝經曰五刑之屬三千而罪莫大於不孝

原國語曰後世嚴刑而人不禁故藏文仲言於僖公曰大刑用甲

兵其次用斧鉞中刑用刀鋸其次用鑕鑿薄刑用鞭扑以威民也

管漢書刑法志云古人有言天生五材民並用之廢一不可鞭扑不可弛於家刑罰不可廢於國征伐不可偃於天下用之有本末行之有逆順耳

原又曰秦用商鞅設連坐之法造參吏之誅加肉刑大辟有鑿顙抽脅鑊烹之法

管管子曰正月之朔百吏在朝君乃出令布憲於國五鄉五師五屬大夫皆受憲於君矣

又曰法者所以興功懼暴律者所以定分止爭也

又曰凡國無法則衆不知所爲無度則事無儀有法不直有度不直則治僻治僻則國亂故曰正法直度罪

殺無赦殺戮必信民畏而懼武威既明令不再行

又曰法者法天地之位象四時之行以治天下四時之行有寒有暑聖人法之有文有武天地之位有前有後有左有右聖人法之以建經紀春生於左秋殺於右夏長

於前冬藏於後生長之事文也收藏之事武也是故文事在左武事在右聖人法之以行法令以治事理也

增又曰夫爭強之國先爭刑令國之輕重者刑也

原申子曰君必有明法正義若懸權衡以稱輕重所以一羣臣也

又曰堯之治也善明法察令而已聖君任法而不任智任數而不任說黃帝之治天下置法而不變

使民安泰安樂其法也

韓子曰治大國而數變法則民苦之是以有道之君貴虛靜而重變法

又曰聖人立法賞足以勸善威足以勝暴備足以必完

又曰釋法術而思治堯不能正一國去規矩尺寸則萬不失一

文子曰文子問能成一輪廢尺寸而差長短王爾不能命中使中主守法術拙匠執規矩尺寸則萬不失一

文子曰文子問老子法安所生曰法生於義義生於衆適合乎人心此治之要也

增又曰道狹然後任智德薄然後任刑明淺然後任察任智心亂任刑者上下恐任察者下求善以事其上

原慎子曰堯爲匹夫不能使家化至南面而王則令行禁止由此觀之賢未足以服不肖而勢位足以屈賢也

又曰法之功莫大使私不行君之功莫大使民不爭今立法而行私是與法爭其亂甚於無法立君而尊賢是賢與君爭其亂甚於無君故有道之國

法立則私善不行君立則賢者不尊民一於君斷於法國之大道也

又曰以力役法者百姓也以死守法者有司也以道變法者君長也

增莊子曰賞罰利害五刑之辟教之末也禮法度數刑名之詳治之末也

尸

子曰車輕道近則鞭策不用鞭策之所用遠道重任也刑罰也者民之鞭策也 淮南子曰聖人因民之所善而勸善因民之所惡以禁姦故賞一人而天下譽罰一人而天下畏之故至賞不費至刑不濫 **原**白虎通曰

五帝畫象者其服象五刑也犯墨者蒙中犯劓者赭其衣犯髡者以墨懷其體處而畫之犯宮者履扉犯大辟者布衣無領尚書云五刑有服此之謂也 一云以畫髡當髡草纓當髡以履扉當別以艾鞞當宮凡斬人 **增**

又曰聖人治天下必有刑罰者何所以佐德助治順天之度也故懸爵賞者示有所勸也設刑罰者明有所懼也 **原**風俗通曰吏者治也當先自正然後正人故文書下如律令言當承憲履繩動不失律令也 揚雄劇

秦美新論曰懿律嘉量金科玉條 律科條謂所施法律金玉當珍之 鹽鐵論曰昔秦法繁於秋荼而密於凝脂然上下相趨姦

偽萌生 又曰夫善言天者合之於人善言古者考之於今二尺四寸之律古今一也 桓範世要論曰德多

刑少者五帝也刑德相半者三王也刑多德少者五霸也純用刑而亡者秦也 **增**又曰夫刑辟之作從來尚

矣古昔帝王莫不詳慎之者以爲人命至重一死不生一斷不屬故堯舜之明猶惟刑之是恤後聖制法設三

槐九棘之吏肺石嘉石之訴然猶三復勅僉曰可殺然後殺之罪若有疑即從其輕此蓋詳慎之至也 徐幹

中論曰賞罰重者不在乎必重而在乎必行必行則雖不重而人肅不行則雖重而人怠故先王務賞罰之必

行書曰爾無不信朕不食言汝不從誓言子則孥戮汝 杜恕篤論曰聖人之制刑也非以害民也將以利民

也故民從而安之非以陷民也將以導民也故民從而化之斷一人之獄而天下義之是安之也斷一人之獄

而天下伏之是化之也 杜預律序曰律以正罪名令以存事制 崔寔政論曰君以審令爲明臣以奉令爲

忠故背制而行賞謂之作福背令而行罪謂之作威作威則人畏之作福則人歸之夫威福者人主之神器也

譬之操莫邪執其柄則人莫敢抗失其柄則還見害也 商君書曰凡人主德行非出人也勇力非過人也然

民雖有聖智弗敢謀雖有勇力弗敢殺雖衆弗勝其制民無億萬之數雖行重賞而民弗敢爭行重罰而民弗

敢怨者法也 玉海曰欽恤者聖人用刑之心明允者聖人用刑之法 又曰法者治之端君子者法之原有

君子則法雖省足以徧矣

增淮南子曰神農無制令而民從唐虞有制令而無刑罰黃帝治天下法令明而不闇 國語展禽曰堯能單均刑法以儀民 左傳夏書曰昏墨賊殺皋陶之刑也舜之命官先播穀次敷教而後及於刑蓋有以養民之身善民之心不獲已乃置刑焉 荀子君道篇曰禹之法猶存而夏不世王得其人則存也 左傳叔向曰商有亂政而作湯刑注言不能議事以制也 康誥曰王曰外事汝陳時臬司師茲殷罰有倫疏云外土以獄事上於州牧之官爲奉王事汝當用刑書爲布陳是刑法爲司牧其衆故受而聽之既衛居殷墟又周承於殷後刑書相因故兼用其有理者謂當時刑書或無正條而殷有故事可兼用若今律無條求故事之比也 **原**家語曰孔子初仕爲中都宰制爲養生送死之節長幼異食強弱異任男女別塗路不拾遺器不雕偽市不二價行之一年而四方諸侯皆則焉定公謂孔子曰學子之法以治魯國何如孔子對曰雖天下可何但魯國而已

增左傳曰聲子爲楚令尹子木曰善爲國者賞不僭而刑不濫若不幸而過寧僭無濫與其失善寧其利溥無善人則國從之亡也古之治民者勸賞而畏刑賞以春夏刑以秋冬將賞爲之加饒加饒則餒賜以此知其勸賞也將刑爲之不舉不舉則微樂以此知其畏刑也 又曰初景公欲更晏子之宅曰子之居近市湫隘囂塵不可以居請更諸壙塹者辭曰君之先臣容焉臣不足以嗣之於臣侈矣公笑曰子近市識貴賤乎對曰既近之不敢不識公曰何貴何賤是時景公繁於刑有鬻頭者故晏子對曰踊貴屨賤景公爲是省於刑君子曰仁者之言其利溥乎晏子一言而齊侯省刑 家語曰冉子問於孔子曰古者三皇五帝不用五刑信乎孔子曰聖人之設防貴其不犯也制五刑而不用所以至治也凡夫人之爲姦邪竊盜靡法妄行者生於不足不足生於無度是以上有制度則民知所止民知所止則不犯故雖有姦邪竊盜靡法妄行之獄而無陷刑之民不孝者生於不仁喪祭之禮所以教仁愛也喪祭之禮明則民孝矣故雖有不孝之獄而無陷刑之民弒上者生於不義朝聘之禮所以明義也義必明則民不犯故雖有弒上之獄而無陷刑之民鬪變者生於相陵相陵生於長幼無序而遺敬讓鄉飲酒之禮者所以明長幼之序而崇敬讓也故雖有鬪變之獄而無陷刑之民淫亂者生於男女無別男女無別則夫婦失義婚禮聘享者所以別男女明夫婦之義也故雖有淫亂之獄而無陷刑之民此五者刑罰之所從生各有源焉不豫塞其源而輒繩之以刑是謂爲民設罝而陷之三皇五帝之所

以化民者如此雖有五刑之不用不亦可乎

原韓子曰越王問於大夫種曰吾欲伐吳可乎對曰可矣君賞

厚而信罰嚴而必君欲知之何不試焚宮室於是遂焚宮室民莫救火乃下令曰人救火而死者比敵死之賞勝火而死者比勝敵之賞不救火者比降北之罪民之塗其體被濡衣走火者左三千人右三千人此知必勝之勢也 又曰董安子行石阜山中見深澗峭如牆深百仞因問其鄉左右曰人嘗有入者乎對曰無有安子

喟然歎曰吾能治矣使吾法之無改猶入澗之必死也則民莫之犯何為不治

謂漢書曰秦始皇專任刑法

躬操文墨晝斷獄夜理書

又刑法志曰古人有言滿堂飲酒有一人向隅而泣則一堂不樂王者之於天下

猶一堂之上也一人不得平為之悽愴今郡國被刑而死者歲以萬數此和氣所以未洽也 又曰于定國為

廷尉季秋後請讞時上常幸宣室齋居決事刑獄號平反

原又曰杜周為廷尉其治獄倣張湯而善伺上所

欲擠者因而陷之上所欲釋久繫待問而微見其寃狀客有謂周曰君為天下決平不循三尺法

以三尺簡專書法律也

以人主指為獄獄者固如是也周曰三尺安出哉前主所以著為律後主所是疏為令當時為是何古之法

謂後漢書卓茂為密令人常有言部亭長受其米肉遺者茂辟左右問之曰亭長為從汝求乎為汝有事囑之

而受乎將平居自以恩意遺之乎人曰往遺之耳茂曰遺之而受何故言耶人曰竊聞明賢之君使人不畏吏

吏不取人今我畏吏是以遺之吏既卒受故來言耳茂曰汝為弊人矣凡人所以貴於禽獸者以有仁愛知相

敬事也今鄰里長老尚致饋遺此乃人道所以相親況吏與民乎吏顧不當乘威力強請求耳凡人之生羣居

雜處故有經紀禮義以相交汝獨不欲修之寧能高飛遠走不在人間耶亭長素善吏歲時遺之禮也人曰

苟如此律何故禁之茂荅曰律設大法禮順人情今我以禮教汝汝必無怨惡以律治汝汝何所措其手足乎

一門之內小者可論大者可殺也且歸念之於是人納其訓吏懷其恩

原東觀漢記曰陳寵曾祖父咸成哀

間以明律令為侍御史王莽篡位父子相將歸鄉里閉門不出入收家中律令文書壁藏之以俟明王咸常勅

戒子孫為人議法當依輕雖有百金之利無與人重比故世人謂陳氏持法寬

王隱晉書曰荀勗與賈充共

定律令班下施用

謂又曰杜預與車騎參軍賈充定律令既成預為之注解

齊書曰初江左用晉世張社

律二十卷孔稚圭刪注修改與竟陵王議務從輕寫律上國學置律助教依五經例策試上高第便擢用之

隋書曰李德林開皇元年勅令與太尉任國公子翼高類等同修律令事訖別賜九環金帶一腰駿馬一疋賞損益之多也 唐書曰劉德威入爲大理卿太宗問曰比刑網寔密各安在德威曰在君不在臣下之寬猛視主之好失入者減三失出者減五今坐入者無辜坐出者有罪所以吏務深文爲自營計非有教使然也帝然其言 文獻通考曰憲宗時李吉甫李絳爲相吉甫言治天下必任賞罰陛下頻降赦令蠲逋賑飢恩德至矣然典刑未舉中外有懈怠心絳曰今天下雖未大治亦未甚亂乃古平國用中典之時自古欲治之君必先德化至暴亂之世始專任刑法吉甫之言過矣帝以爲然司空于頔亦諷帝用刑以收威柄帝謂宰相曰頔懷姦謀欲朕失人心也 又曰宋太宗慮大理刑部吏舞文巧詆乃置審刑院於禁中以李昌齡知院事置詳議官六員凡獄具上奏先達院印訖付大理刑部斷覆以聞乃下院詳議申覆裁決訖以付中書省行之其未允者宰相覆以開始命論決

刑法三

原明罰 致刑 俱詳刑法 五辭 三讓 尚書曰兩造具備師聽五辭而罰 周禮 折獄 要囚 上詳刑法 易 要囚 服念五六日至旬時孔安 天罰 國刑 尚書曰凡民有邪惡者三讓而罰 中罰 祥刑 尚書曰列明也 刑 輕重得中也 又曰 協法 干紀 書協大中之法 閼實 教中 尚書曰周禮曰司徒其罪言罪則不當也 刑 書 政典 尚書曰哀敬折獄明刑 國書 又曰政典曰先時者典無 六典 三章 周禮曰司徒其罪言罪則不當也 刑 關約法三章 其附 不忘 父誅 僕曰其附於刑附屬也 左傳 孫行 防淫 助治 禮記曰君子刑以防淫 治也 刑法所以助治也 爲 樹槐 叢棘 不春秋元命苞在九刑以刺人其情令各歸實槐之言歸也 情見 歸實 周 易曰習坎上六云係用徽纆寘于叢棘三歲不得出王注曰陰 甲兵 鞭策 通曰詳刑法五帝之制 東 周 咎之極不可升也 嚴法峻鑿寘于叢棘三歲不得出王注曰陰 甲兵 鞭策 通曰詳刑法五帝之制 東 周 棄灰 救火 則三族相親 然則雖刑之可也 又新斷而大不救乃名 震電 積陰 漢書董仲舒曰陽爲德陰 仲尼而南下 則恐燒國家火者罪逐獸者比入禁之罪 下 未倫火速救 震電 積陰 漢書董仲舒曰陽爲德陰 刑 爲刑 陽常居大夏而以生見養長之任事陰居大冬而 下 未倫火速救 震電 積陰 漢書董仲舒曰陽爲德陰 書 將以靖民不亦難乎民之爭端將棄禮而爭於書 終子之世 鄭其敗乎 附聞之國將亡必多制其此之謂

乎 畫斷 秋 獄 上詳刑法二漢書泰始皇 赤衣 丹筆 漢名臣奏事曰唐林云秦設重刑而聲盜盈山

冬 罪 四當 斷 妻 夜 載 燭 罪 約 法 省 刑 上詳三章注 續漢書曰建武二年詔曰 明察 平反 漢書曰

持 丹 筆 夫 妻 相 對 垂 泣 燭 罪 約 法 省 刑 上詳三章注 續漢書曰建武二年詔曰 明察 平反 漢書曰

為 廷 尉 明 察 寬 恕 黃 霸 等 以 為 公 平 明 察 人 即 為 不 疑 為 京 兆 尹 每 行 縣 大 信 深 文 馮 奉 世 傳 曰 刑 者 國 之

共 定 律 令 務 深 文 拘 也 除 溢 作 新 上詳 總 載 後 漢 陳 訥 人 齊 衆 庇 俗 訓 人 入 矢 坐 石 周 禮 曰 秋 官 大

守 職 之 吏 注 拘 也 除 溢 作 新 上詳 總 載 後 漢 陳 訥 人 齊 衆 庇 俗 訓 人 入 矢 坐 石 周 禮 曰 秋 官 大

民 訟 入 東 矢 然 後 聽 之 所 以 自 明 其 直 也 大 司 寇 以 嘉 上 者 立 於 肺 石 注 云 嘉 石 有 罪 過 而 麗 於 法 害 於 州 里

者 桎 梏 而 坐 諸 嘉 石 以 肺 石 違 窮 民 凡 有 寬 抑 而 訥 於 上 者 立 於 肺 石 注 云 嘉 石 有 罪 過 而 麗 於 法 害 於 州 里

原 微 有 位 期 無 刑 尚 書 曰 制 官 刑 微 于 無 刑 有 行 不 反 守 勿 失 尚 書 曰 慎 乃 嘉 石 有 罪 過 而 麗 於 法 害 於 州 里

即 天 論 與 衆 棄 凡 制 五 刑 必 即 天 論 于 無 刑 有 行 不 反 守 勿 失 尚 書 曰 慎 乃 嘉 石 有 罪 過 而 麗 於 法 害 於 州 里

民 威 四 夷 上詳 總 載 後 漢 陳 訥 人 齊 衆 庇 俗 訓 人 入 矢 坐 石 周 禮 曰 秋 官 大

服 也 不 敢 書 竹 刑 狗 木 鐸 左 傳 曰 陽 樊 溫 原 諸 茅 之 野 樊 不 服 刑 之 舍 萬 呼 曰 德 以 柔 中 改 國 刑 以 威 四 夷 宜

用 法 狗 以 木 鐸 不 下 刑 上 服 有 常 無 赦 二 罪 則 從 重 也 又 曰 刑 茲 有 常 無 赦 勿 宥 勿 辟 同 罪 異 罰

矩 尚 書 曰 殷 民 在 辟 予 曰 辟 汝 惟 勿 辟 子 明 刑 弼 教 定 分 止 爭 尚 書 曰 明 于 五 刑 以 弼 五 教

難 犯 易 避 左 傳 曰 夫 法 令 者 所 以 抑 暴 扶 弱 難 犯 易 避 黃 帝 五 法 漢 祖 三 章 布 之 天 下 下 詳 前

增 三 刺 聽 獄 五 聲 求 情 周 禮 司 刺 掌 三 刺 三 有 三 赦 之 法 以 詔 司 寇 聽 獄 訟 三 刺 一 曰 訊 羣 臣 二 曰 訊 羣 吏

老 老 三 赦 曰 憲 愚 注 云 刺 殺 二 曰 色 聽 三 曰 氣 聽 四 曰 耳 聽 五 曰 目 聽 草 艾 則 墨 蟲 俯 乃 刑 聖 古 立 秋 之 後 草

自 月 可 文 則 墨 刑 內 皆 達 其 戶 乃 趣 獄 刑 母 留 有 罪 秋 原 非 窮 理 之 書 失 省 刑 之 意 舊 書 杜 預 奏 曰 帝 王 法

非 窮 理 之 書 漢 書 曰 一 律 齊 刑 以 綜 真 偽 張 法 以 制 陸 梁 傳 元 曰 善 惡 相 蒙 故 齊 之 以 刑 也 是 繩 墨 之 斷

見 刑 陸 梁 之 士 也 國 章 斯 抵 人 命 所 懸 法 若 易 方 人 難 知 禁 政 有 弛 張 法 存 沿 革 誠 宜 通 變 安 可

執 迷 法 不 前 定 官 將 嗜 依 官 或 變 法 人 豈 懷 刑 若 從 私 議 是 舞 公 文 法 無 改 度 義 有 隨 時

通 道 在 權 救 時 貴 變 所 宜 去 彼 取 此 不 可 以 古 制 今 苟 用 舍 而 合 道 蓋 沿 革 而 同 歸 九 章 宜

緩 俗 有 歸 心 三 典 或 虧 民 無 措 手 夏 造 殷 因 豈 煩 於 制 漢 除 秦 赦 亦 便 於 時 非 利 百 之 謀 豈 宜 變 法

應劭刪定載馬援條奏申明舊制約束之也朱清本末云被劫以

臣造新律事律史杜景季等造律皆未清本末之意者也革故取新 捨舊謀新 相時革弊 作古有初 **增**靜事無刑禮記曰百官靜事無

而刑則不用也刑注凡事皆靜至刑不濫淮南子 **原**五刑麗萬民周禮司刑掌五刑之法以麗萬民之罪墨罪五宋登定

典法順帝使僕射宋登定典法吳芮著甲令吳芮著乎甲令而稱刑者法五行又曰科條三千者應天地人情也法

者象四時管子法正則人怒 罪當則人從 刑法所以懲過書呂 刑法所以助治必有刑法何所以佐德

助治 象天道而行刑刑志曰 因天討而作刑又曰聖人因天 律者以正罪名杜預律序曰律者入

須為用也制二者相 令者令民知事管子 **增**繁秋荼密凝脂詳刑法 **原**刑者教也禮記文 嚴斷刑罰以威其刑左

於旬師周禮掌戮職凡殺人之者路諸市唯尸之 同 公侯有罪聲於甸人禮記文 嚴斷刑罰以威其刑左

擅立闕絕鄰好則幽尸子曰娶同姓以妻為 改衣服易禮刑則放尸 設刑罰者明有所懼白虎通曰懸爵

明有所懼也也設刑罰者 治則刑重亂則刑輕刑法志曰殺人之者死傷人之者刑百王之 鄭鑄刑書晉作執秩序鄭鑄

並述法律之名申韓之徒各自立制刑書晉作執秩趙制國律楚造僕區 政事之經萬機之緯張斐律序云律令 懿律嘉量金科玉條詳刑法

罪若有疑即從其輕要論世 **增**三尺律令人事出其內朱博傳曰博選廷尉職典決獄恐為 輕重不齊

姦吏因緣為市 鞭扑不可弛於家刑罰不可廢於國詳刑法 五帝有流殛放殺之誅三王有大辟刻肌之

刑詳漢梁統載

淵鑑類函卷一百四十九

政術部二十八

刑法

寬刑

刑法五

原詩晉傳元釋法篇曰釋法任情姦佞在下多疑少決譬執腐索以御奔馬專任刑名民不聊生通儒達道政乃升平浩浩大海百川歸之洋洋聖化九服仰之春風暢物秋霜肅殺同則相濟異若胡越周庾信正旦上司憲府詩曰詰旦啓門欄繁辭湧筆端蒼鷹下獄吏獬豸飾刑官司朝引玉節盟載捧珠盤孟門久失路扶搖忽上搏栖鳥還得府棄馬復歸關榮華名義重虛薄報恩難枚乘還起疾貢禹遂彈冠方垂蓮葉劍未用竹根丹一知懸象法誰思垂釣竿唐虞世南賦得慎罰詩曰帝國光往策上德表鴻名道冠二儀始風高三代英樂和知化洽訟息表刑清罰輕猶在念勿喜尚留情明慎全無枉哀矜在好生五疵過亦察二辟理彌精懷巾示廉恥嘉石務詳平每削繁苛性常深惻隱誠政寬思濟猛疑罪必從輕于張懲不濫陳郭憲無傾刑措諒斯在歎然仰頌聲

晉沈佺期移禁司刑詩其畧曰任直翻多毀安身遂少徒一朝逢亂繆三省竟無虞白簡初心屈黃紗始望孤患平終不怒持劾每相驅埋劍誰當辯偷金以自誣誘言雖委答流議亦真符首夏方憂園高秋獨向隅嚴城看燭耀圓戶對蜘蛛累餉唯妻子披冤是友于物情牽倚伏人事限榮枯門客心誰在鄰交迹儻無撫襟雙涕落危坐百憂趨聖旨垂明德寃囚豈濫誅會希恩免理終望罪矜愚司冠宜哀獄台庭幸恤辜漢皇虛詔上容有報恩施

原賦晉傳咸明意賦曰侍御史傳咸奉詔治獄作賦用明意云舍控款以彌載令棲遲以淹留吏砥身以存公古有死而無柔彼背正以從邪我沒世而是尤敷腎腸以爲效今豈文飾之足修感恩輸命心口自滅加我數年竭力効節春秋既不吾與日月忽其不屈周道今如砥吉人今是由材曲今枉撓朽木今難抽

原贊梁昭明太子爾雅制法則贊曰惟斯法則信如四時嚴此刑政刑輕罪疑霜威以振民不敢欺

原銘後漢李尤鞠城銘曰員鞠方牆倣象陰陽法月衡對二六相當建長立平其例有常不以親疎不有阿私端心平意莫怨其非鞠政由然況乎執機

原詔梁沈約使四方士民陳刑政詔曰徑寸之寶或隱泥沙以人廢言君子斯感朕聽朝晏罷思闡政術雖百辟卿士有懷必聞而蓄響邊遐未臻魏闕或屈以貧陋或間以山川頓足延首無因奏達豈所謂沈浮靡漏遠邇兼得者哉四方士民若有欲陳言刑政倫礪幽遠不能自通者各在條布所懷於刺史二千石有可申採大小以聞 又立左降詔曰刑乖政失其源已久罰罪之奏日聞於早朝弊獄之書亟勞於晏寢免黜相係補代紛紜一離簪囚乃永歲月非所以棄瑕錄用隨分盡才者也是以減秩居官前代通則貶職左遷往朝繼軌自今內外羣司有事者可開左降之科 又降死罪詔曰朕樹洪業光宅區宇而本枝之慶未廣椒掖騰衛之地猶闕藩屏言念弓韜不能忘懷策三子始有盤石之資於焉彌固慶雖自己恩加覃及凡死罪可降一等五歲刑降二等三歲刑以下並悉原放 **唐**高宗頒行新律詔曰朕聞大德曰生肖天地而為貴大寶曰位體宸極以居貞所以經緯三才彌綸萬物順人心以敷化因天討而立刑易稱明罰哀矜之志愈遠書云肆眚簡惠之道斯崇故能象服畫冠化隆上葉道德齊禮刑清中代暨乎大道既隱淳風已衰元首首司契狗驕奢以臨下股肱贊道用深刻為奉公罪名積於簡書滋章被於率土姬訓夏法峻網備於三千秦革周科深文加於九族漢祖約法後嗣不勝其弊晉武蠲刑末流竟致其酷遂使茫茫區寓囹圄所以實繁蠹蠹黎手足為之無措自斯以降禁網愈密難深袁準之書事切劉弘之奏太宗文皇帝至道難名元功不測撥亂反正恤獄慎刑杜澆弊之餘源削繁苛之峻法道臻刑措二十餘年恥格之義斯隆惻隱之懷尤切玉凡遺訓重令刊改瞻奉隆規興言感咽朕以虛寡夙嗣寶圖實畏上元憂勤庶類乘奔履薄懼一物之未安旰食宵衣慮萬方之多罪雖解網之德有慙列聖而好生之惠無媿伊心於是仰遵先旨旁求故實爰進朝賢詳定律律酌前王之令典考列辟之舊章適其輕重之宜採其寬猛之要使夫畫一之制簡而易從約法之文疎而不漏

原難漢張敞議入穀贖罪上書曰國兵在外軍以夏發隴西以北安定以西吏民並給轉輸田事頗廢素無餘積雖羌虜以破來春民食必乏窮僻之處買無所得縣官穀度不足以振之願令諸有罪非盜受財殺人及犯法不得赦者得以差入穀北八郡贖罪務益致穀以豫備百姓之急事下有司蕭望之與少府李彊議以為民舍陰陽之氣有仁義欲利之心在教化之所助雖竟在上不能去民欲利之心而能令其欲利不勝其好義也

雖桀在上不能去民好義之心能令其好義不勝其欲利也故堯桀之分在於義利而已導民不可不慎也今欲令民量粟以贖罪如此則富者得生貧者獨死是貧富異刑而法不一也人情貧窮父兄囚執聞出財得以生活爲人子弟者將不顧死亡之患敗亂之行以赴財利夫親戚一人得生十人以死如此伯夷之行壞公綽之名滅政教一傾雖有周名之位恐不能復古者藏於民不足則取有餘則予今有西邊之役民失作業雖戶賦口斂以贍困乏古之通義以死救生恐未可也

原議後漢孔融肉刑議曰古者教麗善否不別吏端刑清治無過失百姓有罪皆自取之末世凌遲風俗壞亂政撓其俗法害其人故曰上失其道民散久矣而欲繩之以古刑投之以殘棄非所謂與時消息也紂斲朝涉之脰天下謂之無道夫九牧之地千八百君若各別一人是天下常有千八百紂也求世休和弗可得已且被刑之人慮不念生志在思死類多趣惡莫復歸正風沙亂齊伊戾禍宋趙高英布爲世大患不能止其源遂爲非也雖忠如甯拳信如卞和智如孫臏寃如巷伯才如史遷達如子政一罹刀鋸沒世不齒漢開改惡之路凡爲此也故明德之君遠度深惟棄短就長不苟革其政也 晉程咸女適人不從坐議曰夫司寇作典建三等之制甫侯修刑通輕重之法叔世多變秦立重刑漢因循之大魏承襲未革其弊大逆之誅不差已出之女者誠欲絕惡類於一族然法貴得中刑慎過制臣以爲女人有三從之義無自專之道出適他族還喪父母降其服紀所以明外成之節異在室之恩父母有罪追刑已出之女夫黨見誅又隨異姓之戮一人之身內外受辟男不衍禍於他族女獨嬰罰於二門非所以哀矜蒙弱立法之本分也今女旣嫁則爲異姓之妻如或有產則爲他族之母此爲元惡之所輕忽戮無辜之所重於恩則傷孝子之心而與嫌怨之路臣以爲在室之女宜從父族之誅旣醮之婦使就夫家之罰宜定齊科以爲永制 **增**唐韓愈復讐議曰伏以子復父讐見於春秋見於禮記又見周官又見諸子史不可勝數未有非而罪之者也最宜詳於律而律無其條非闕文也蓋以爲不許復讐則傷孝子之心而乖先王之訓許復讐則人將倚法專殺無以禁止其端矣夫律雖本於聖人然執而行之者有司也經之所明者制有司者也丁寧其義於經而深沒其文於律者其意將使法吏一斷於法而經術之士得引經而議也周官曰凡殺人而義者令勿讐讐之則死義宜也明殺人而不得其宜者子得復讐也

此百姓之相讐者也公羊傳曰父不受誅子復讐可也不受誅者罪不當誅者也誅者上施於下之辭非百姓之相殺也又周官曰凡報仇讐者書於士殺之無罪言將復讐必先言於官則無罪也今陛下垂意典章思立定制惜有司之守憐孝子之心示不自專訪議羣下臣愚以爲復讐之名雖同而其事各異或百姓相讐如周官所稱可議於今者或爲官吏所誅如公羊所稱不可行於今者又周官所稱將復讐先告於士則無罪者若孤稚羸弱抱微志而伺敵人之便恐不能自言於官未可以爲斷於今也然則殺之與赦不可一例宜定其制曰凡有復父讐者事發具其事申尚書省尚書省集議奏聞酌其宜而處之則經律無失其旨矣謹議 呂溫

功臣恕死議曰有國之柄莫大乎刑賞人生有欲不可以不制天討有罪不可以不刑蓋刑者聖王所以佐道德而齊天下者也功濟乎物不可以不賞賞勸乎功不可以不信蓋信者聖人所以一號令而惇天下者也然則恕死之典棄信而廢刑何以言之夫立功者自八元十亂之後非盡能賢或有起屠販墮畝行陣之間乘帝王應天順人之勢用力無幾遂貪天功起騰風雲各得變化率勞怙寵煬強自負僭冒無厭見利忘義是宜崇威峻法大爲之防而反丹書鐵券許以不死且人君之言如渙汗不反旣與之要天地誓山河卒一旦失馭有黥韓之罪神怒人怨不得已而誅是棄信也若恣行兇險褻突憲綱或姦鋒將發豐通宗杜乃念斯言之玷忍而不誅是廢刑也向者纔得其塵涓之勞螢燭之助而信棄刑廢將焉用之夫明君之處勞臣也安之以爵祿拘之以紀律明之以好惡聳之以禍福使得遷善遠罪保勲全名剖符傳慶與國終始恩斯勤斯是亦極矣奈何撓權亂法以罪寵人墜信賞必罰之典虧昭德塞違之道恐非哲王經邦軌物之制也謹議

原表齊孔稚圭上新定法令表曰臣聞匠萬物者以繩墨爲政馭大國者以法理爲本故定國釋之聲著漢臺元常文慈績應魏閣則臯陶之謨指掌可致杜鄭之業鬱焉何遠然後姦人無所逃其刑惡吏無所窮其詐如身手之相驅弦枯之相接矣 梁任昉爲梁公請刊改律令表曰臣聞淳源既遠天討是因畫衣象服以致刑措草纓艾釋民不能犯及淳德下衰運距澆季湯刑禹政不足禁姦九法三章無以息訟所以赭衣塞路圜圻成市凝脂已疎秋荼非苦姦吏爲市生殺並用可爲慟哭豈徒一緒夫宵貌天地稟靈川岳受體愛敬發膚爲重流矢影風顧有憂色而當妄加剝斲金木爲伍且夫刻木不對畫地不入畏避若是而動貽非命王道爲虧

良在於此法開二門爲政之蠹生殺多緒誰其適政

唐徐堅論刑獄表曰臣聞上天之道先春而後秋聖

人制法外刑而內禮故曰三辟之設王者不得已而用之今帝命惟新六合光宅遠無異望邇無異言亦宜安彼反側示以寬典臣竊見神都諸部勘當所尋有勅停勘迄至於今猶尚追攝豈非勘當使等志希僥倖執斯刻薄以爲己能哉長姦濫之源傷醇和之化伏願即停之臣又聞書有五聽慮失情實也令著三覆恐致虛枉也比見有勅勘當反逆令使者得實便決然人命至重死不可生儻萬分之中有一不實欲訴無路懷枉誰明飲恨吞聲赤族從戮豈不痛哉此不足以肅姦逆而明典刑適所以長威福而生疑懼臣望絕此處分依法覆奏則死者甘伏知泣辜之恩生人歡悅見祥刑之意又法官之任人命所懸若不簡擇恐招枉濫諸官僚之內有用法寬平爲衆所稱者願親而進之處事深酷不允人望者願疎而退之囹圄無冤億兆幸甚臣又聞罰不及嗣虞帝之明規罪不至孥漢君之茂德故郤芮作亂而郤缺登朝稽康被刑而稽紹入用終能立功白狄効死湯陰千載美談斯爲稱首父子猶其若此餘親尚何疑哉竊見逆人之親選曹廣責無親無服亦數十條士子之中十將三四今聖人在上實命惟新有道賤貧實爲深恥遂令此等長從遐棄懷才抱器將何望哉是以聖意哀矜頻降恩制令同常例各使坦懷姚璹之徒皆逢委任而在下僚列不識天心苟求微疵不弘大體又準勅逆人周堂親不得任京官及兩畿三輔官準法刑戮總麻親不得充近侍宿衛臣望申勅有司勅令逆人外不得輒爲勘責收其賢能示之曠蕩斯巍巍之德作範百王穆穆之風垂裕千祀

李彭年論刑法不便表

曰夫法存畫一不啓二門者蓋示人以信也先教後罰寧僭無濫者不陷人以罪也若有犯必死則非薄刑之意同罪異罰又非畫一之道何必殺之示信臣非愛人命也惜陛下之法也昔者渭橋驚馬空見罰金高廟盜環惟聞棄市漢幾刑措職此之由釋之之言可以爲喻伏惟陛下少留意焉抑臣聞之死者不可復生雖欲改過自新其道無由及也殺氣方深嚴刑在近一物失所聖心不安臣忝諍臣不敢不奏又典律所制輕重各殊笞杖是輕徒死是重爰自近日此道便乖凡所決囚例多非命此乃徒刑有必生之理杖刑爲斂死之條旣素國經有傷和氣又凡曰造僞例是死囚伏準條格先決一首旣要之以斬罪何更加以杖刑臣雖至愚猶將不可凡百達識孰謂其宜又周禮論刑刺之典一曰訊羣臣二曰訊羣吏三曰訊萬人陛下若以臣所言非可用

則願陛下訊以羣吏詢諸宰臣擇善而行國之利也

原書晉叔向與鄭子產書曰昔先王議事以制不爲刑辟懼民之有爭心是故開之以義糾之以政行之以禮守之以信奉之以仁制爲祿位以勸其從嚴斷刑罰以威其淫懼其未也故誨之以忠督之以行教之以務使之以和臨之以敬莅之以彊斷之以剛猶求聖哲之主明察之官忠信之長慈惠之師民於是乎可任使也而不生禍亂民知有辟則不忌於上並有爭心以於書而徵倖以成之不可爲矣三辟之興皆叔世也今吾子相鄭國作封洫立謗政制參辟鑄刑書將以靜民不亦難乎民知爭端矣將棄禮而徵於書錐刀之末將盡爭之亂獄滋豐賄賂並行終子之世鄭其敗乎 漢貢禹上書曰孝文皇帝時貴廉潔賤貪污賈人贅壻及吏坐贓者禁錮不得爲吏無贖罪之法故令行禁止海內大化武帝始臨天下尊賢用士自見功大遂從嗜慾乃行一時之變使犯法贖罪入穀者補吏是以官亂民貪盜賊並起故俗皆曰何以孝弟爲財多而官榮父黥劓鉗者猶復攘臂爲政俗之壞敗乃至於此今欲興至治致太平宜除贖罪之法 **唐**陳子昂諫刑書曰臣聞刑者政之末節也先王以禁暴整亂不得已而用之今天下幸安萬物思泰陛下乃以末節之法察理平人臣愚以爲非適變隨時之義也夫大獄一起不能無濫何者刀筆之吏寡識大方斷獄能者多在急刻文深網密則共稱至公爰及人主亦謂其奉法於是利在殺人罕能平恕故獄吏相戒以殺爲詞非憎於人也而利在已故上以希人主之旨下以圖榮身之利徇利既多則不能無濫濫及良善則淫刑逞矣臣聞古昔明王重慎刑罰蓋懼此也

原奏晉杜預奏事曰古之刑書銘之鼎鍾鑄之金石斯所以遠塞異端絕異理也法出一門然後人知恆禁吏無淫巧政明於上民安於下 劉頌刑獄奏曰君臣之分各有所司法欲必奉故令主者守文理有窮塞故使大臣釋滯事有時宜故人主權斷主者守文若釋之執犯釋之卒也大臣釋滯公孫弘斷郭解之獄也人主權斷若漢祖戮丁公之爲也天下萬事自非斯格不得以出意妄議其餘皆以律令從事然後法信於下民聽不惑吏不容姦可以言理人主執斯格以責大臣小吏各守其局則法一矣上古議事以制不爲刑辟夏殷及周書法象魏三代之君咸棄曲當之妙鑒而任徵文之直準非聖有殊所遇異也今論時勢弊不及中古而執平